

板貞治  
禪林類聚  
六



禪林類聚卷第六

應禪寺持醴監道泰天寧禪寺首座比丘智境集

示衆

勘辨

捧喝

示衆

六祖大師示衆云吾有一物無頭無尾無名無字無背無面諸人還識麼時荷澤神會乃出云是諸佛之本源乃神會之佛性師乃打一棒云這饒舌沙彌我喚作一物尚不中豈况本源佛性此子向後設有一把茅蓋頭也只成得箇知解宗徒

法眼云古人受記入終不錯如今立知解為宗即荷澤是也雲峰悅於諸人還識麼處云當時忽有箇漢出來為衆竭力不惜身命便與掀倒禪牀喝散大眾子孫





未到斷絕又於未後便喝云祖祢不了殃及兒孫如今  
還有不甘底麼

槃山積禪師示衆云似地擎山不知山之孤峻如石含玉  
不知王之無瑕

雲峰悅云這老漢生來莽鹵學處顛預似地擎山如石  
含玉甚麼處得這消息來 雪竇顯云書行三千夜行

八百是我尋常用底拈放一邊爾諸人向甚麼處見槃  
山速道速道 翠巖真云盤山力盡神疲也是望雲上

樹還知有不歷諸聖階梯獨超物外者麼師遂大笑  
普融平云古人恁麼說話大似抱賊叫屈普融問下人

人慷慨生擒虎兇活捉獍龍眼裏著得須彌山耳裏著  
得大海水遂拈拄杖云不是向人誇伎倆丈夫標志合

如斯卓一下 西禪需云直得心智路絕理極言忘如

虛空藏虛空亦無虛空之量尚乃存於見刺似槃山恁  
麼爲人正如泥裏洗土塊要且未有轉身一路子在

南泉願禪師示衆云喚作如如早是變了也今時師僧須  
向異類中行歸宗聞乃云雖行畜生行不得畜生報師云

孟八郎又恁麼去 德山圓明云南泉中毒也 琅琊覺云山僧不然遇水

與水遇草喫草焉知畜生行 法華舉云且道作麼生  
是異類中行乃云石牛長卧三春霧木馬嘶時秋後泉

南泉示衆云心不是佛智不是道 鼓山珪頌云心不是佛智不是道青山白雲落花芳草

若是靈利阿師終不回頭轉腦 開善謙云太平時節



歲豐盈族不齋糧戶不扃官路無人夜無月唱歌歸去  
恰三更 徑山杲云兩散雲收後崔嵬數十峰倚欄頻  
顧望回首與誰同

南泉示眾云我十八上便會作活計趙州云我十八上便  
會破家散宅

神鼎諍云你道破家散宅好解作活計好初機底人且  
紹前語又參底人直須破家散宅始得更有一言萬里  
厓州 育王裕云還會麼作活計底始解破家散宅破  
家散宅底始解作活計假使黃金為城白銀為壁禪悅  
為食解義為漿本色衲子不肯回顧何也豈不見道明  
眼漢沒窠臼縱饒萬里空寥寥正好一槌俱搥碎且道  
不落進修一句作麼生道良久云樗蒲若識本面米儘

教散子滿盤紅

南泉示眾云江西馬大師說即心即佛王老師不恁麼不  
是心不是佛不是物恁麼道還有過麼

鼓山珪頌云別起便行三萬里只今休去八千年分明  
更為從頭舉一任諸方取次傳 徑山杲云倒腹傾腸  
說向君不知何故尚沉淦而今便好猛提取付與世間  
無事人 靈巖白云倒腹傾腸幾箇知更無絲髮可相  
依直饒徹底承當去也落他家第二機

馬頭藏禪師示眾云知而無知不是無知而說無知後南  
泉云與麼依師道始得一半

黃檗云不是南泉剝他要圓前話

黃檗運禪師示眾云汝等諸人盡是嗜酒糟漢與麼行脚



拈

何處有今日還知大唐國裏無禪師麼時有僧出云只如諸方匡徒領眾又作麼生師云不道無禪只是無師

為山問仰山作麼生仰云鴉王擇乳素非鴨類為云此

實難辨 五祖戒出僧語云謝和尚說得道理好 石

門聰云黃檗垂示不妨奇特纔被布衲挨拶著失却一

隻眼 承天宗云五祖戒眼照四天下要見黃檗猶未

可若要扶豎正法眼藏須是黃檗宗師 翠巖真云諸

方商確便道黃檗坐却這僧又道黃檗被這僧上來直

得分拈不下何為也翠巖輒生擬議霧豹澤毛未嘗下

食庭禽養身終待驚人 為山喆云諸人還會麼莫在

從前多意氣他家曾踏石頭關

雪竇顯頌云凜凜孤風不自誇端居冥海定龍蛇太中

天子曾經觸三度親遭弄爪牙 白雲端云大唐國裏

無禪師與君攜手歸家裏拋鉤本欲釣鯢鯨誰知釣得

跛鼈子 佛鑑勤云黃檗山中明示眾大唐國裏暗藏

身袈裟一角猶拖地誰是叢林有眼人 佛慧泉云無

師克塞大唐國噎酒糟漢會不得竹寺閑過春已深落

花亂點莓苔色 徑山杲云身上著衣方免寒口邊說

食終不飽大唐國裏老婆禪今日為君註破了

為山祐禪師示眾云今時人但直下會取不會底正是你

佛正是你心若向外求一知一解將為禪道且沒交涉名

運糞入不名運糞出汗你心田所以不是道

佛鑑勤云為山猶如駕前筭子與牧童相撲齊起齊倒

兩無輸贏旁觀者咬斷牙關爭交底元來兒戲如今莫



有對手底麼乃豎拳起云有則出來與老僧相見良久  
云老僧今日平地喫交 塗毒策云直饒會得不會得  
底已是頭上安頭更若廣闢見知自張家寶稱謂宗門  
中有恁麼事若是塗毒即不然何謂一回纔見面千載  
不忘名

大慈寰中禪師示衆云山僧不解答話只是識病時有僧  
出師便歸方丈

法眼云衆中喚作病在目前不識 玄覺云且道大慈  
識病不識病此僧出來是病不是病若言是病每日行  
住不可總是病若言不是病出來又作麼生 雪竇顯  
云大凡扶豎宗乘須辨箇得失且大慈識病不答話時  
有僧出便歸方丈雪竇識病不答話或有僧出劈脊使

打諸方識病不答話有僧出必然別有長處敢有一箇  
動著大唐天子只三人 翠巖芝云這僧出來大慈便

歸方丈並無箇道理甚麼處是他識病處如今也須子  
細 黃龍心云可惜放過當時若見伊纔出來劈脊使

打待他得知行棒來處免見千古之下遭人檢點黃龍  
今日也識病會答話忽若有箇漢出來掀倒繩牀這裏  
合作麼生支遣請上座試代一轉語 天童覺云大慈

雪竇二俱作家要且祇顧目前不防脚下或有箇不識  
好惡不問東西底漢出來便掀倒禪牀直饒你全機大  
用也祇恐著手脚不辨正當恁麼時還有識病底眼麼  
大慈示衆云說得一丈不如行取一尺說得一天不如行  
取一寸



洞山云說取行不得底行取說不得底 雲居云行時無說路說時無行路不說不行時合行甚麼路 洛浦云行說俱到即本事無行說俱不到即本意在

趙州論禪師示眾云今夜答話去也有解問者出來時有僧出作禮師云比來地勢引王引得箇擊子

法眼奉問覺鐵背先師意作麼生覺云如國家弄將乃問甚人去得或有人出云某甲去得須云汝云不得眼云我會也 保壽云射虎不真徒勞沒羽 長慶問覺

上座云那僧纔出禮拜為甚麼便收伊為擊子覺云適來那邊亦有人恁麼問慶云向伊道甚麼覺云也向伊恁麼道 玄覺云甚麼處却成擊子去叢林中道纔出來便成擊子只如每日出入行住坐卧不可總成擊子

也且道這僧出來具眼不具眼 雪竇顯云靈利漢聞

舉便知落處然雖如是放過覺鐵背失宗師語不虛發出來必是作家因甚麼拋甄引擊諸禪德要識趙州麼從前汗馬無人見只要重論蓋代功

趙州示眾云纔有是非紛然失心還有答話分也無有僧舉似洛浦浦扣齒又舉似雲居居云何必僧面舉似師師云南方大有人喪身失命僧云請和尚舉師纔舉僧便指傍僧云這箇師僧喫却飯了作甚麼語語

趙州示眾云不得閑過念佛念法僧便問如何是聖人自己念師云念者是誰云無伴師叱云這驢

徑山果云這僧雖然無伴成羣作隊略擾殺人趙州雖好一頭驢又是不會喫草



牛頭微禪師示衆云三世諸佛用一點伎倆不若天下老  
師口似匾擔諸人作麼生大不容易除非知有餘莫能知  
也

洞山价禪師示衆云言無展事語不投機承言者喪滯句  
者迷

鼓山珙頌云只要按楔抽釘爲人解黏去縛如何洞山  
老人先自藤蛇繞脚 徑山杲云言無展事語不投機

承言者喪滯句者迷逢人不得錯舉

臨濟玄禪師示衆云但有問訊不虧欠伊總識得伊來處  
與麼來者恰似失却不與麼來者無繩自縛一切時中莫  
亂斟酌會與不會都來是錯分明與麼道一任天下人  
剝

琅琊覺云作麼生貶作麼生剝良久云垂鈎四海爲釣  
罾龍格外玄談蓋尋知己

臨濟示衆云夫一句語須具三玄門一玄門須具三要有  
權有用汝等諸人作麼生會小弊

慈明圓頌云第一玄三世諸佛擬何宣垂慈夢裏生輕  
薄端坐還同落斷邊第二玄靈利衲僧眼未明石火電  
光知是鈍揚眉瞬目涉關山第三玄萬象森羅宇宙寬  
雲散洞空山嶽靜落花流水滿長川第一要豈語聖凡  
妙擬議涉長途擡眸七顛倒第二要峰頂敲槌召神通  
自在來多聞門外叫第三要起坐令人笑掌內握乾坤  
千差都一照

睦州蹤禪師示衆云你等諸人還得箇入頭處也未若未



得箇入頭須得箇入頭若得箇入頭不得辜負老僧

雲峰悅云古人與麼道和身放倒了也汝等諸人還相

委悉麼若相委悉辜負睦州若不相委悉雲峰亦遭連

累 白雲端云大眾睦州老兒可謂經事多矣要坐便

坐要行便行然雖如是天無全功 九僊清云睦州恁

麼道意在甚麼處其或未然覺死下箇註脚張僧見王

伴三伴叫張僧昨夜放牛處嶺上及前村溪西水不飲

溪東草不吞教覺死如何即得會麼不免與麼去遂以

兩手控空下座 木庵末云恁麼說話面皮厚多少木

庵則不然諸人未得箇入頭須得箇入頭既得箇入頭

直須颺下入處始得

睦州有時示眾云忽然忽然

大覺蓮云山僧道不然不然何也夜烏啼曉月玉女打

鞦韆

睦州示眾云我見一白文不識好惡大眾繞集以拄杖一時

打下復召大眾眾迴首又云是甚麼有甚共語處賞康和

尚亦然復召大眾眾迴首又云月似彎弓少雨多風猶較

些子

雪竇顯云說甚猶較些子直是未在據雪竇眾集一時

打下便休或有箇無孔鐵鎚為眾竭力言能擔荷可以

籠罩古今乾坤把斷乃驀拈拄杖云放過一著 谷隱

聰塞黃蘗語了云前來甚是奇特後來龍頭蛇尾 天

聖泰云殺人須見血 天童覺云下媒求鴿直釣釣魚

各有接物利生底手段若是箇撈籠不住呼喚不回底



漢又作麼生以拄杖擊香臺一下

睦州示衆云列開也在我捏聚也在我有僧問如何是列  
開師云三九二十七菩提涅槃真如解脫即心即佛我且  
與汝道你又作麼生云某甲不與麼道師云蓋子落地標  
子成七片云如何是捏聚師斂手而坐

雲峰悅云相罵饒你接嘴箱唾饒你潑水 天童覺云

睦州用颯直是長三短五七縱八橫撒在面前拋向腦

後不妨奇特然則門庭施設自是一家入理深談不翅

百步 應庵華云我且問你諸人應隆恁麼拈提爲復

是見睦州意耶明睦州語耶歸宗因行不妨掉臂不是

禪不是道不是玄不是妙久立伏惟珍重 松源岳云

也是好笑大小睦州被這僧拶得恰似落湯螃蟹七手

### 八脚一時露

睦州示衆云大事未明如喪考妣大事既明如喪考妣

保寧真頌云春去秋來古與今相逢休論歲時深飢餐

渴飲無他事盡聽蒲頂霜雪侵

三聖然禪師示衆云我逢人即出出則不爲人與化聞云

我逢人即不出出則便爲人

白雲端云大衆此二尊宿各有一處打得著且道那箇

在前那箇在後還有人向這裏定當得麼良久云妙舞

莫謔回雪子三臺須是大家催 五祖演云大衆此二

古德一入文章浩渺一入武藝全施若道興化是文亦

不得若道三聖是武亦不得還於此辨得出麼若辨得

出許你這身是命若辨不出你自相度 保寧真頌云此



二尊宿與麼為人猶在半途保寧今日路見不平拉拉  
杖下座大眾一時走散擲却便歸方丈 天童覺云墮  
也墮也今日不是滅古人聲光且要長後人節槩若是  
本色漢提祖佛印轉鐵牛機把拄杖一時穿却方見衲  
僧手段

保寧勇頌云騎驢戴笠迎南去躍馬搖鞭向北行兩箇  
大商俱突曉日高猶聽打二更 佛鑑勲云城南措大  
騎驢子市比郎君跨馬兒各各四蹄俱踏地三春同到

金明池 圓通僊云翻是羅兮覆是繡弟兄同氣符蓮  
枝為人不可為成歌曲祖父田園要及時 佛燈珣云湖

光潑灑晴方好山色濛濛雨亦奇若把西湖比西子淡  
粧濃抹總相宜 徑山杲云陽焰何曾止得渴盡餅幾

時充得飢勸君不用栽荆棘後代兒孫惹著衣  
三角印禪師示眾云若論此事眼上眉毛早是蹉過了也  
時麻谷出問眼上眉毛即不問如何是此事師云蹉過了也  
谷便掀倒禪牀師便打

長慶稜代云悄然 保福展云三角賊過後張弓 雪

竇顯云兩箇有頭無尾漢眉毛未曾眼上說甚麼此事  
蹉過尋有僧問眉毛為甚麼不眼上師便打

白水仁禪師示眾云尋常不欲向聲前句後說弄人家男  
女何故且聲不是聲色不是色時有僧問如何是聲不是

聲師云喚作色得麼云如何是色不是色師云喚作聲得  
麼僧作禮師云且道為汝說答汝話若人辨得有箇入處

雪竇顯云本仁也甚奇惟要且貪觀天上既非聲前句



後且作麼生入 大瀉秀云本仁只知橫千不會整百  
如何是聲不是聲莫逐音響如何是色不是色莫逐青  
黃且從伊向聲前句後覓箇安身自然別有生涯 佛  
鑑慧云拂迹成痕欲隱彌露既道聲不是聲色不是色  
泊乎問著却云喚作聲得麼喚作色得麼本仁和尚鼓  
弄人家男女亦不少矣而今欲得親切麼乃擊禪牀云  
還聞聲麼堅起拂子云還見色麼於此透過見聞許你  
有箇出路 應庵華云雪竇到這裏盡其神通無措手  
處只如道既非聲前句後從甚麼處入徃徃十箇有五  
雙蹉過還知薦福落處麼一箭落雙鷗  
丹霞淳頌云色自色兮聲自聲新鶯啼處柳煙輕門門  
有路通京國三島斜橫海月明

曹山本寂禪師示衆云諸方盡把格則何不與他道一轉  
語教伊不疑去雲門便問密密處爲甚麼不知有師云只  
爲密密所以不知有云此人如何親近師云莫向密密處  
親近云不向密密處親近時如何師云始解親近雲門云  
諾諾

徑山杲云濁油更著濕燈心

雪峰存禪師示衆云三世諸佛是草裏漢三經五論是繫  
驢橛八十卷華嚴是村草步頭博飯喫底言語十二分教  
是蝦蟆口裏事還知麼所以道如今千百人中若有一人  
大肯去我作驢駝物供養他有甚麼過  
本空禪師示衆云只這施爲動轉合得本來相我麼若合  
得十二時中無虛棄底道理若合不得喫茶說話徃徃喫



作茶話在僧便問如何免得成茶話去師云你識得口也未云如何是口師云兩片皮也不識云如何是本來祖翁師云大眾前不要牽爺恃娘云大眾忻然去也師云你試點大眾性看僧禮拜師云伊徃徃道一性一切性在僧欲進語師云辜負平生行脚眼便下座

佛鑑勸云本空垂絲子尺意在深潭離鈞三寸釣得一箇將謂錦鱗紅尾元是泝浪黃能明月當空滿船失空而今不免再拋香餌重擲絲綸乃豎起拂子云還有上鈞底無諸人二六時中如何得與祖翁相合去回頭盡是兒孫事祖父從來不出門

南堂詩頌云參禪學道莫忽忽動轉無非觸祖翁口在面前猶不見契茶清話故難通水中鹽味如相似色裏

膠青信不空欲得不招無間業莫將情解訪宗風

乾峰禪師示眾云舉一不得舉二放過一著落在第二雲門出眾云昨日有人從天台來却徃徑山去師云典座明日不得普請便下座

雲竇顯云諸德雲翁老只解一手擡不能一手擡還有共相著力底麼試露爪牙看 佛印元云此語眾中商量甚多會者極少乾峰夢裏合眼跳黃河覺來身在林

上雲門醉後扶人倒上樹醒來只在坐中二人打作一團至今分疎不下若人知得落處許你解空第一 大

為語云乾峰善唱雲門善拍拍唱相隨風清古格還有

知音者麼一堂風冷淡千古意分明 琅琊覺云路遙知馬力歲久見人心 為山果云乾峰平地生堆留石



因風起浪雖然合水和泥千古叢林榜樣既是叢林榜  
 樣為甚麼合水和泥會麼不入洪波裏爭見弄潮人  
 黃龍心頌云乾峰舉一不舉二雲門擡手添意氣花開  
 花落任風吹自有馨香滿天地 普融平云天台南嶽  
 去無蹤更有何人覲面逢東嶺雲在西嶺白前山花發  
 後山紅 慈受深云煮海成鹽終有味敲空作響本無  
 聲崑崙撞著波斯子把手相將海底行 佛性泰云高  
 樓美女一雙雙各向瓊窓坐玉牀繡出鴛鴦呈似了金  
 針深插錦香囊 白雲端云黑白分明滿局碁曾無一  
 着有相虧可憐無限傍觀者斧爛柯消總不知  
 洞山度禪師示眾云祖師門下鳥道玄微功窮皆轉不究  
 難明汝等諸人直須離心意識參出聖九路學方可保任

若不如是非吾子息

徑山泉云鏡汝離心意識參得透出聖九路學得成也  
 是雪峰道底

夾山會禪師示眾云百草頭薦取老僧關市裏識取天子

雲門云蝦蟆鑽你鼻孔毒蛇穿你眼睛且向葛藤裏會

取 雲峰悅云雲門與麼道太似和泥脫整若無後語

疑殺天下人山僧今日因行不妨掉臂乃豎起拄杖云

還見雲門麼 雲居舜云三峽即不然婦提機刺兒

弄出揚揚

夾山示眾云明不越戶牖不棲巢目不顧他位脚不踏他  
 位置六尺不掩四衢無蹤學不停干意不立玄千劫眼不  
 借三三底真劫舌頭不顧眼中明峻機不假鑿鑿事到這



裏有箇甚麼事。閣梨竿頭絲線從君弄。不犯清波意自殊。  
丹雲注續云。月沉碧海龍非隱。霧鎖蒼梧鳳不知。劫外  
木森森無影木。垂陰况有不萌枝。

空明。信禪師示衆云。人人自有光明在。看時不見暗昏昏。  
作麼生是諸人自己光明。自代云。厨廬三門。又云。好畫不  
如無。

空實顯頌云。自照列孤明。爲君通一線。花謝樹無影。看  
時誰不見。見不見。倒騎牛兮入佛殿。白雲端云。徹底  
昏昏不待看。拄天拄地黑漫漫。三門厨庫長相對。一徑  
光風滿院寒。圓悟勤云。夜明簾外千峰秀。鸞鏡臺前  
萬象殊。掃蹤滅跡不立錙銖。誰爲佛殿。誰是香厨。敲出  
鳳凰五色髓。擊碎驪龍明月珠。

雲門示衆云。你若不相當。且覓箇入頭處。微塵諸佛在你  
舌頭上。三藏聖教在你腳跟底。不如悟去。好還有人悟得。  
麼。出來對衆道看。

空言顯云。然則養子之緣。爭奈壓良爲賤。其間忽有不  
甘底。出掀倒禪牀。豈不是大丈夫漢。然雖如是。且問。據  
箇甚麼。乃爲拈拄杖云。泊合停囚。長智擊禪牀。一下。

雲門示衆云。直得觸目無滯。達得名身。句身一切法。空山  
河大地。是名身。亦不可得。喚作三昧性海。俱備猶是無風  
匝匝之波。直得亡知。於覺覺。即佛性矣。喚作無事人。更須  
知。有向上一竅在。

天童覺云。賓主不諧。二俱有過。各與二十棒。祇如向上  
一竅。又作麼生。屏因詠月紋。生角象。被雷驚。花入才。



垂頭示衆云直得乾坤大地無纖毫過意無是轉句不見  
一色好是半提更須知有全提時節

松源云頌云百尺竿頭弄險是非海裏橫身更有全提  
底時節只堪惆悵不堪陳

垂頭示衆云只這箇帶累殺人

東山空云雲門尋常氣宇如王作恁麼說話大似貧恨  
一身多山僧即不然只這箇快活殺人何故大兩方歸  
屋裏坐業風吹又繞山行然雖如是也是乞兒見小利  
且不傷物義一句作麼生道

垂頭示衆云舉不顧即差互擬思量何劫悟

垂頭示衆云每日開單展鉢動靜去來是舉且作麼生顧  
直饒顧去即差互 法雲秀云山僧舉了也諸人還悟

也未若不悟行脚眼在甚麼處 雲峰悅豎起拂子云  
如今舉了也你作麼生顧良久云擬思量何劫悟

金峰志禪師示衆云事存函蓋合理應箭鋒拄莫有人道  
得麼若有人道得金峰分半院與他住時有僧出作禮師  
云相見易得好共住難爲人便下座

圓悟勤云大小金峰龍頭蛇尾若是將山則不然若有  
人道得山僧便分半院與伊住忽有箇出來禮拜只向  
他道上天同歸霄漢入地共返黃泉 天童覺云重賞  
之下必有勇夫這僧擬乎強取金峰又却不甘還知蚌  
蟠相持盡落漁人之手若也辨得函蓋箭鋒金峰一院  
兩手分付

金峰示衆云我若舉來又恐遭人脣吻如不舉來又恐遭



人恠笑於其中間如何即是有僧纔出師便歸方丈至晚  
有僧請元聖云和尚今日垂語有僧問為甚麼不答師云大  
似失錢遭罪

圓悟勤云宗師家眼觀東南意在西北向桑樹上下箭  
直得穀樹汁出也未是分外這僧既傷鋒犯手及至對  
衆拈出依舊又被他和座撥却敢問大衆甚麼處是金  
峰失錢遭罪處無孔鐵鎚當面擲 塗毒策云良駒不  
在搖鞭俊鶻豈打卧兔金峰抑不得已如隔牖弄馬騎  
相似這僧眼孔纔定動早是被他收拾場戶了所以佛  
法付英靈漢為甚金峰却失錢遭罪還知麼賣金不遇  
買金人撒向闊浮如糞土

金峰示衆云老僧二十年前有老婆心二十年後無老婆

心時有僧出問如何是二十年前有老婆心師云問九  
九問聖答聖云如何是二十年後無老婆心師云問九不  
答九問聖不答聖

徑山杲云徑山當時若見只將五祖師翁底對他遂舉  
手作鶉鳩嘴云谷谷

保福展禪師示衆云此事如擊石火似閃電光搆得搆不  
得未免喪身失命時有僧問未審搆得底人還免喪身失  
命也無師云適來且致闍梨還搆得麼云若搆不得未免  
大衆笑恠師云作家作家云是甚麼心行師云一杓屎攔  
面發也不知臭

雪竇顯云諸上座保福有生擒虎兇底牙爪這僧也不  
易相敵雖然如是且放過保福一著只如雪竇與大衆



還免諸方檢責也無若免不得平地上死人無數其中有得活底麼遂拈拄杖云來也來也

玄沙備禪師示眾云常將汝等諸人放頂額上不敢錯誤諸人一絲毫子

松源岳云玄沙恁麼道大似知而故犯何故未著手脚時早是相埋沒了也何況將放頂額上雖然如是不是苦心人不知

長慶稜禪師示眾云總似今日老胡有望

保福展云總似今日老胡絕望 玄覺云恁麼道是相見語不是相見語 東禪齊云此二尊宿語一般各有道理眾中道總似如此嫌甚麼又道總似今夜堪作甚麼若如此會欠悟在 天童覺云富嫌千口少貧恨一

身多

雲居膺禪師示眾云孤迥峭巍巍却問僧云會麼云不會師云汝面前案山子也不會

上方岳云雲居大似按牛頭喫草

雲居示眾云得者不輕微明者不賤用識者不吝嗟解者無厭惡從天降下則貧寒從地湧出則富貴門裏出身易身裏出門難動則埋身千丈不動則當處生苗一言迴脫獨按當時言語不要多多則無用處

丹霞渡嶺云門頭石尾事千差了盡猶來未到家明月堂前無影木嚴凝雪夜忽開花

棗山仁禪師示眾云不辜負平生眼目致箇問來有麼時有僧出作禮師云負我且從大眾何也便歸方丈後有僧



請益云和尚陞座云負我且從大衆何也意旨如何師云  
齋時有飯與你喫夜間有牀與你睡一向煎逼我作甚麼  
僧作禮師云苦苦云乞師指示師垂一足云舒縮一任老  
僧

法眼益禪師示衆云盡十方世界皎皎地無一絲頭若有  
一絲頭即是一絲頭

法燈云若有一絲頭不是一絲頭 水庵一豎起拂子

一云還見麼穿過鬪體猶未覺

同安察禪師示衆云洪音不剖其理不彰設使不言且道  
是分不分時有僧出云不分師云若不是闍梨老僧不曉  
云同安風米瓦解冰消師云養由弓矢不射田蛙僧作禮  
師云將謂是得便宜

圓悟勤於是分不分處云三脚蝦蟆跳上天僧云不分

處云刺腦入膠盤老僧不曉處云也未是好心瓦解冰

消處云孟八郎漢不射田蛙處云宛有宗師作畧僧禮

拜處云牽得這漢回來也得便宜處云平出復云豈不

見道意能剗句句能剗意意句交馳是爲可畏

同安示衆云黃脯飲啄無處藏身你道有此道理麼僧云

和尚作麼生師打一拂子僧云撲手征人徒誇好手師云

握鞭側帽豈是闍黎云今古之道何處藏身師云闍黎作

麼生僧珍重便出師云未在此

圓悟勤云玄機塵落妙用縱橫木人唱巴歌石人應雪

曲直得機感相投言氣相合爲甚麼同安却道他未在此

不見道日午猶虧半鳥沉始得圓 塗毒策云藏機待



用意在釣頭放去收來賓主已穆為甚麼同安道未  
還知麼要使良駒行遠道臨岐只得痛加鞭

大陽玄禪師示眾云嗟峨萬仞鳥道難通劍刃輕冰誰當  
履踐宗乘妙句語路難陳不二法門淨名杜口所以道達  
磨西來九年面壁始遇知音大陽今日也大無端珍重

丹霞渡頌云不掛脣皮一句奇少林冷坐最慈悲須知  
此道非傳授立雪神光已強為

鼓山岳禪師示眾云我若全舉宗乘汝向甚麼處領會所  
以向汝道古今常露體用無妨

西禪需喝一喝云幸好一盤飯何用糝薑椒

寶應顯禪師示眾云欲得易會麼第一莫將問來問問在  
答處答在問處你若擬議老僧在你脚底

翠巖真云寶應只解把住翠巖即不然寒山倒地捨得  
扶起豐干禮拜不見又殊更有觀音菩薩魚行酒肆且  
不識主人翁乃卓拄杖一下

雙峰禪師示眾云進一步則迷理退一步則失事饒你一  
向兀然去又同無情時有信問如何得不同無情去師云  
動靜施為云如何得不迷理失事去師云進一步退一步  
僧禮拜師云向來有一僧怎麼會老僧不肯伊在僧云請  
師直指師便打

圓悟勤云鷹擊鸞躍鷲打寒鳩細中之細妙中之妙進  
一步則不迷理退一步亦不失事所謂恁麼中不恁麼  
不恁麼中却恁麼就中是末後一著光前絕後 佛燈  
珣云別機宜知進退動靜施為全該那事更問如何若



何手裏烏藤難躡避乃擲下拄杖

道吾禪師示衆云高不在絕頂富不在福嚴樂不在天堂言不在地獄相識滿天下知心能幾人

徑山杲云徑山即不然高在絕頂富在福嚴樂在天堂苦在地獄誰知席帽下元是昔愁人

香巖端禪師示衆云語是謗寂是誑語寂向上有路在老僧口門窄不能爲汝說得

西禪密云香巖和尚開口了合不得有甚處用與山僧即不然而今開兩片皮骨廣長舌爲汝說去也 松源

云云香巖恁麼直道是說不說良久云喫茶去百丈恒禪師示衆云百丈有三訣喫茶珍重歇直下若承當知君猶未徹

琅琊覺云百丈與麼道美則美矣善則善矣雖然如是只有順水之波且無滔天之浪山僧即不然琅琊有三訣淥水青山月三冬枯木花九夏寒巖雪 西禪密云琅琊美則美矣祇有滔天之浪且無順水之波然雖如是未免哆哆東禪即不然古人訣有三東漣無別說擬進問如何一劍當頭截

風穴沼禪師示衆云若立一塵家國與成野老頓處不立一塵家國與亡野老安貼於此明得蘭黎無分全是山僧於此不明老僧即是蘭黎蘭黎與老僧亦能悟却天下人亦能迷却天下人要識蘭黎麼左邊拍一拍云這裏即是要識老僧麼右邊拍一拍云這裏即是

西禪密云這裏即易那裏即難 琅琊云杲下與盡處



五祖演云太平即不然若立一塵法堂前言深一丈不  
立一塵錦上錦花何也不見道九九八十一窮漢受罪  
畢繞髮辰點眠蚊蟲獨登出 應庵華云六小風元不  
會轉身句 松源岳云薦福見處又且不然六小風元  
醋氣猶在何故始作翁如也縱之純如也故如也經如  
也以成喝一喝

雲嘗顯頌云野老從教不展眉且圖家國立雄基謀臣  
猛將今何在萬里清風獨自知 白雲端云立國仍教  
野老欣風行閣外不揚塵縱橫莫測文兼武宇宙茫茫  
有幾人 天童覺云雖然渭水起垂綸何似首陽清餓  
人只在一塵分變態高名勳業兩難派

保壽恩禪師示眾云三界唯心萬法唯識檻外雲生簷頭

雨滴潤水湛如染野花開似織此時若不究根源謾向當  
來問彌勒還會麼不勞又立

丹霞淳頌云靈然不涉去來今三界都盧一點心檻外  
桃花春蝶舞門前楊柳曉鶯吟

首山念禪師示眾云第一句薦得與佛祖為師第二句薦  
得與人天為師第三句薦得自救不了僧問和尚是第幾  
句薦得師云月落三更穿市過

天童覺頌云佛祖觸體穿一串宮漏沈沈密傳箭人天  
機要發千鈞雲陣輝輝急飛電箇中人看轉變遇賤則  
貴貴則賤得珠罔象兮至道綿綿游刃亡牛兮赤心片  
片

汾陽昭禪師示眾云凡一句語須具三玄明每一玄明須



具三要路有玄有要有照有用或先照後用或先用後照  
或照用同時或照用不同時或先照後用且要共你商量  
或先用後照也須是箇人始得或照用同時你又作麼生  
當抵或照用不同時你又作麼生湊泊

浮山遠禪師示衆云欲得薦後麼仍須四事俱備方顯宗  
師踐徑何謂也一者祖師巴鼻二具金剛眼睛三有獅子  
爪牙四得衲僧殺活拄杖得此四事也縱橫變態任運卷  
舒高聳人天壁立千仞儻不如是守死善道者敗軍之兆  
何故棒打石人貴論實事是以到這裏得不脩江耿耿六  
野雲變綠竹凝煙青山鎖翠風雲一致水月齊觀一句該  
通已彰殘朽

草堂清奉了二黃龍今日出世時當末季佛法澆漓不

用祖師巴鼻不用金剛眼睛不用獅子爪牙不用殺活  
拄杖只有一枝拂子以爲踐徑亦能縱橫變態任運卷  
舒亦能高聳人天壁立千仞有時逢強則弱有時遇貴  
則賤起則羣麀蹊跡佛祖潛蹤放下則合水和泥聖  
凡同轍且道起好放下好竿頭絲線從君弄不犯清  
波意自殊

雪竇顯禪師示衆云諸人要知真實相爲麼但以上無攀  
仰下絕已躬自然常光現前箇箇壁立千仞

雲峯悅云雪竇與麼爲人入地獄如箭射

雪竇示衆云大施門開無壅塞忽有箇衲僧出來雪竇退  
身七百里何故臨老不悚人

老宿云大施門開無壅塞忽有箇衲僧出來兩手分付



何故心不負人面無慚色 雪堂行云西山今日亦開  
六施門忽有箇衲信出來三十棒一棒也不較何故許  
人一物千金不移

慈明圓禪師示衆云一切賢聖皆以無爲法而有差別前  
是案山後是主山且道無爲法在甚麼處良久云向下文  
長付在來日

應庵華云太重也著一隻眼一切賢聖皆以無爲法而  
有差別東弗于速西瞿耶尼南瞻部洲北鬱單越到處  
去來不如此

黃龍新禪師示衆云一人所在要須到半人所在也須到  
無人所在亦須親到一回  
密庵傑召大眾云三邊一箭收功後四海何愁不太平

真淨文禪師示衆云天地與我同根萬物與我同體脚頭  
脚底橫三豎四北俱盧洲火發燒却帝釋眉毛東海龍王  
忍痛不禁轟一聲霹靂直得傾湫倒嶽雲暗長空十字街  
頭廖胡子醉中驚覺起來拊掌呵呵大笑云筠陽城中近  
來少賊乃拈拄杖云賊賊

佛海遠云是則一場賣弄不少爭奈鼻孔眼睛各有主  
在何故葛藤堆裏作竊未當白拈酒店門前拾遺不是  
正賊時東廊下偶犬吠師呼行者探門前有甚客來大  
衆皆回首師云要見正賊麼遂哨指一聲搖手下座

開先暹禪師示衆云寒寒地爐火暖開坐蒲團說迦葉不  
是談達磨無端此也彼也必然一般

三覺說云六衆迦葉處不是達磨那裏無端若點檢



得與彼之二老一場懺懺若點檢不出三十年後真道  
不被人瞞好

圓通禪師示衆云少林九年冷坐剛被神光覩破如今  
玉石難分只得麻纏紙裏這一箇那一箇更一箇若是明  
眼人何須重說破

徑山吳云徑山今日不免狗尾續貂也有此子若胡九  
年詰墮可惜當時放過致令默照之徒鬼窟長年打坐  
這一箇那一箇更一箇雖然苦口可憐却似搗頭風過  
清平曠禪師示衆云不動神情便有輸贏之意還有麼出  
來看時有僧纔出師云不是作家出云僧問如何是第一  
句師云要頭便斫將去

勘辨

麻谷徹禪師問僧甚處來僧云不審師又問甚處來僧云  
珍重師下禪牀擒住云這箇師僧習者便作佛法祇對僧  
云大似無眼師放手云放汝命通汝氣僧作禮師欲扭住  
僧搗神便行師云休將三歲竹擬比萬年松

圓悟勤云看他一挨一撥一出入這僧雖善管帶不  
昧始終麻谷本分鉗鉗等閑歷落單柰猶欠一著在敢  
問諸人且道是賓家欠主家欠試請辨看

百丈海禪師問僧從甚處來云山下來師云還曾逢著  
人麼云不曾逢著師云為甚不逢云逢著即舉似和尚師  
云甚處得這箇消息來

佛陀遜云山下不曾逢著則且致山上還曾逢著麼若



逢著即汾陽消息流布諸方若不逢著甚麼處去來

百丈問趙州甚處來州云南泉來師云南泉近日有何言

句示徒州云無事之人直教悄然去師云悄然一句且致

忙然一句作麼生道州近前三步師便喝州作縮身勢師

云大好悄然州便出去

琅琊覺云趙州老人向獅子窟中換得爪牙 佛鑑勲

云作家相見彼此難搆忙然悄然進前縮後捏不成塑

不就大路不行草裏走

長髭曠禮師問僧汝是甚處人云新羅人師云好箇師僧

問著便亂統云道和尚不是作家得麼師云何曾是新羅

人云某甲祇對未成道理在師云這新羅子猶亂走

佛鑑勲云且道這僧是新羅人不是若道是長髭因何

道亂統若道不是這僧豈不知鄉曲到這裏也須緝素

分明始得 塗毒策云吸鐵以磁石續弦以鷲膠驗人

以言語這僧端的是新羅僧其奈長髭却道亂統這裏

覷得破方知道衲僧有驗人正眼還知麼金銀銅鐵雖

然異須入紅爐一煨看

大川禪師因江陵有僧來參師云幾時發足江陵府僧提

起坐具師云特謝遠來下去僧竟禪牀一匹便出師云若

不與麼焉知眼目端的僧拊掌一下云吾殺人泊合錯判

諸方老宿師云甚得禪宗道理後僧舉似丹霞霞云大川

法道即得於我這裏即不然僧云和尚此間作麼生霞云

猶較大川三步在僧禮拜霞云錯判諸方者多

洞山云若不是丹霞也難分玉石 佛鑑勲云大川與



這僧一鳧脰雖短短中有長一鶴脰雖長長中有短分明說破可見這諸說 大瀉智云大川與這僧自是家醜沒奈何了也那堪并霞刺頭入膠盤這三箇漢不通點檢若點檢將來更須道錯判諸方者多遂喝一喝歸宗常禪師問僧甚處來云鳳翔來師云還將得那箇來不云將得來師云在甚麼處僧以手從頂擎捧呈之師即舉手作接勢拋向背後僧無語師云這野狐兒偈天禪師因新羅僧來參纔展坐具師捉住云未離本國道將一句來僧無語師推出云問伊一句便道兩句佛蓋勳云只見錐頭利不見利頭錐 大瀉智云偈天却被新羅僧勳破作麼生是勳破處良久云賣金須是買金人 塗毒策總括云一狀領過塗毒見處也要諸

人共知殺人刀活人劍具眼者辨偈天有僧到纔展坐具師云這裏會得早是孤負平生也云不向這裏會又作麼生師云不向這裏會更向何處會便打出佛蓋勳云倚勢凌人未為好手 大瀉智云棒頭有眼明如日要識真金火裏看 不圖打草且要驚鷲 塗毒策云不緊香餌方是嘉魚不透且呆未為發免這僧一頭統將過賴得偈天脫頭有力直下痛錐還知麼雲羅機鋒都在我望風誰不豎降旗

茱萸山禪師問僧甚處來云閩中來師云閩中真宿處舉胡來胡現漢來漢現是不僧擬開口師打一堂僧云欲透龍門却遭點額師云燕金塞海蛟螭搖山僧拈掌大笑出



去師云疥狗不願生天却笑雲中白鶴

圓悟勤云某更打這一掌可謂截斷誰說這僧大笑而行未免吞聲飲氣何況更有最後一著還會麼為山登九仞程上定千鈞

高沙彌初參藥山山謂道吾云這文有箇沙彌却有些子氣息吾云未可全信須是勘過始得至晚上堂山召云早來沙彌在甚麼處師出眾山問我聞長安甚鬧汝還知麼師云我國晏然山忻然云汝從人得看經得請益得師云亦不從人得不從看經得不從請益得山云有人不看經不請益為甚麼不得師云不道他不得自是他不肯承當山顧道吾雲叢云不信道這跛脚沙彌却有些子氣息法眼於晏然處別云見誰說

仰山寂禪師因為山問大地眾生業識忙忙無本可據子作麼生知他有之與無師云某甲有驗馭時有一僧從面前過師召云聞黎其僧回首師云和尚這箇便是業識忙忙無本可據馮云此是獅子一滴乳迸散六斛驢乳

草堂清云古人臨機施設出在一時此是因風吹火用力不多當時若無僧從面前過仰山將甚麼語驗他不遇祖師端的旨臨機開口卒難應

天童覺頌云一喚回頭識我不依佛羅月又成鉤子金之子繞流落漠漠塗窮有許愁

仰山問僧甚勤人云幽州人師云汝還思彼中麼云嘗思師云能思是心所思是境彼中山河大地樓臺殿閣人言等物及思思底心還有許多般麼云某甲到這裏總不見



有師云信位即是人位未是云和尚莫別有指示不師云  
別有別無即不中據汝見處只得一玄符坐披衣向後自  
看

天童覺頌云無外而空無礙而如門牆三岸隨鑽三重  
酒常酣而卧客飯雖飽而頽農突出虛空兮肩博妙翅  
踏翻滄海兮雷送遊龍

仰山因歸瀉山省親瀉問子既稱善知識豈辨得請方來  
者知有不知有有師承無師承是玄學是義學云試說着  
師云慧寂有驗處但見諸方僧來便堅起拂子問伊諸方  
還說這箇不說又云這箇且致諸方老宿意作麼生瀉山  
歎云此是從上宗門中爪牙  
仰山住石亭時見交參者必問云來作麼云禮觀和尚又

問還見和尚麼云見又問和尚何似驢參者無能對脫對  
亦不契忽問南塔湧湧云光湧見和尚亦不似佛師云若  
不似佛似箇甚麼湧云若更有所似與驢何別師大驚云  
九聖兩忘情盡體露吾以此語驗人已二十年無決了者  
噫子真利根當自保任

投子同禪師僧到方問師把住云還知性命在老僧手  
裏麼云氣急殺人師放却云通汝氣放汝命云草草慎及  
於人師云行脚人到東西多是不稱主人意云就中和尚  
無慈悲師云低聲低聲云亦諱不得師云客作漢

佛鑑勸云投子半斤這僧八兩定盤星上爭些子雖然  
如是得便宜是落便宜

昔有老宿問趙州近離甚處云滑州宿云幾程到這裏云



一躡到宿云好箇捷疾兒云萬福大玉宿云參堂去州應諾諾

石梯禪師因新到僧於師前立少時便出去師云有甚麼辨白處僧再立良久師云辨得也辨得也云辨後作麼生師云埋却得也云蒼天蒼天師云適來却與麼如今還不當僧乃出去

西禪雲云善竊者始終不露鬼神不知這僧既被石梯辨得未為好手而今忽有箇人總不恁麼來時又作麼生辨

本生禪師因僧從太原來師乃問近離那邊風景如何云與此間不別師云且道此間風景如何云和尚與某甲不同師云擊破施主草鞋當為何事僧無對師云即古即今

出箇問處且難乃至老僧亦出不得

佛鑑勸云本生這邊那邊依稀栢樹子這僧非別非同髮髯須彌山洎乎北斗裏藏身便見吸盡西江水本生既出不得你諸人如何出得良久云唱歌須是帝鄉人

洞山价禪師問欽山甚麼處來云太慈來師云還見太慈麼云見師云色前見色後見云非前後見師默置欽乃云某甲離師太早不盡師意

雪峯存禪師問僧甚麼處來云江西來師云江西與此間相去多少云不遠師豎起拂子云還隔這箇麼云若隔這箇即遠云也師便打出

雪峯問鏡清你是甚麼人云不敢道是温州人師云恁麼則是一宿覺鄉人也云且道一宿覺是甚麼人師云放



你二十棒

雪峰問僧甚麼處來云藍田來師云何不入草

長慶問乃云險

徑山禪師問僧甚麼處來云天台來師云阿誰問你天台來  
僧無對

保寧勇代云放過即不可

水塘禪師問歸宗甚麼人云陳州人師云多少年紀云二  
十二師云聞黎未生時老僧去來云和尚幾時生師豎起  
拂子宗云這箇豈有生耶師云會得即無生云未會在師  
無語

衛國道禪師問僧何方來云湘南來師云黃河清未其僧  
無對

嵩山代云小小孤兒要過但知過用疑作甚麼

巖頭齋禪師因臨濟有僧放大言云我若見與他拔却髮  
一日到師前作禮欲起未起師將衲衣角裏面一拂僧無  
語泣淚而去

北禪寂禪師問僧甚麼處來云黃州師云在甚麼院云資福  
師云福將何資云兩重公案師云爭奈在北禪手裏何云  
在和尚手裏即收取師便打僧不肯師隨後走出

雪竇顯云奇怪有超師之作還知這僧麼只解貪前  
不能顧後若在雪竇手裏拚折也未放在

九峰滿禪師問僧近離甚麼處云閩中師云遠涉不易云不  
難動步便到師云有不動步者麼云有師云爭得到這裏  
僧無語師云賺殺一船人拈拄杖一時趁下



米胡禪師問僧近離甚處云藥山師云藥山老子近日如  
何云大似一片頑石師云得恁麼鄭重云也無你提撥處  
師云非以藥山米胡亦恁麼僧近前顧視而立師云看看  
頑石動其僧便出

雪竇云米胡也縱奪可觀爭奈死而不吊 大瀉話  
云米胡好片頑石多少游人不識及至衲僧一見不免  
將南作北

烏曰禪師因玄紹一上座來參師問二禪伯發足甚麼處  
云江西師遂拈拄杖打玄云父知和尚有此機要師云你  
既不會後面箇僧祇對着紹擬近前師便打云信知同坑  
無異土參堂去

雪竇顯云宗師眼目須至恁麼如金翅摩海直取龍吞

有般漢眼目未辨東西拄杖未知顛倒只管說照用同  
時入境俱奪 大瀉話云烏曰大似巨靈逞摩大華之  
威蒼龍展奪珠之勢直得乾坤失色乃拈拄杖云諸人  
還識烏曰麼若也識去橫按鎮脚裏中獨據若也末識  
棒頭有眼明如日卓拄杖一下 曹源生云顯大機明  
六用奮震中意氣連關外籌畧則不無烏曰檢點將來  
未是本分草料若要據令而行盡大地一時荒却何故  
寸釘入木

鼓山珪頌云赤身挨白刃死中還得活一箭自迷蹤  
車蓋雙輪 徑山杲云猛焰不容蚊蚋泊大海那能宿  
死屍任是三頭并六臂望風無不豎降旗  
金峰志禪師見僧來豎起拂子云此是大人分上事你試



通箇消息未着云景甲不欲讓和尚師云知孝養人也還  
希有云莫是大人分上事麼師云老僧不欲讓閣黎云到  
這裏也不易辨白師云酌然酌然僧作禮師云發足何處  
云只這裏師云不唯自護兼護老僧

圓悟動云宗師家敲唱俱行權實並照二俱作家彼此  
不欲相讓遂成孝養作大人相既是如此金鑿下捐項  
為甚麼却不放過還委悉麼若不酬價爭辨真偽

金鑿有僧纏入方丈師便打僧云是是師又打僧云不是  
不是師作禮拜勢僧作托勢師云老僧眼暗聞聲耳背云  
將飯饒魚還須剋已師云施食得長壽報云和尚年多少  
師云不落教量云長壽者誰師云金鑿云果然眼昏聽云  
是是

因語勤云以格外機施格外用旗幡交錯馬步相參大  
戰一場直得桑樹上著箭柳樹上汁出華然世事入草  
要且不分勝負還委悉麼互換之機子細看

金峰問僧你還知金峰一句子麼云知來又矣師云作麼  
生信便道云金峰一句子今日百雜碎師云稍曾問人就  
中隱梨門風峭峻云不可要人檢點師云具鑰不博金  
圓悟動云金峰拖泥這僧涉水雖然未後慈惠未充當  
一項差過 破庵先云山濶石含士林秀淵藏珠珠二三兩  
交輝情雲意難極因其却道當頃蹉過路遙知馬力歲

七八九八

素好禮師問僧發足何處云聞中師云後哉云謝師指示  
師云處哉僧禮拜師云我與麼道落在甚麼處僧無語師



云彼自無瘡勿傷之也

佛語勸云云為宗師言不虛發這僧既自問口來有何  
俊哉謝師指示有何屈哉還見得諸說麼若見得之信  
道裏樹在智海拂子上無風起浪好肉刺瘡如或不然  
老僧罪過彌天 大瀉智云裏樹也太無端未必這僧  
後來無語明眼人點檢看來用語作甚麼大圓正是路  
見不平這僧當時飛消一喝快哉快哉 塗毒策云俊  
哉屈哉指示禮拜更問如何漆桶不快且道落在裏樹  
邊落在這僧邊若辨得出方有參學分若辨不出箇中  
星子妙獨許作家知

裏樹問僧未到這裏時在甚麼處安身立命僧叉手近前  
師亦近前相並而立僧云某甲未到此時和尚與誰並立

師指背後云豈是伊麼僧無語師云不獨自謾兼謾老僧  
僧作禮師云正是自謾

佛鑑勸云賓家龍頭蛇尾主家者賊不知欲得賓主無  
過各下一轉語 大瀉智云裏樹將謂這僧是一真衲  
子及乎換轉話頭祇是箇雪壑道底如今看來當時裏  
樹或不尊重致被這僧塗糊一餉然雖如是相謾猶自  
可自謾愁殺人 塗毒策云這僧叉手近前已是自謾  
裏樹叉手指背後謾人不少諸方扶強不扶弱塗毒扶  
弱不扶強我若作這僧待渠以手指背後豈是伊麼  
即拊掌大笑

雲南偃禪師問僧汝是甚麼人云新羅人師云將甚麼道  
海云草賊大敗師云為甚麼在我手裏云恰是師云一任



浮跳

雲實顯別雲門云噓噓又云雲雨老漢龍頭蛇尾放過  
這僧爲甚麼在我手裏恰是劈脊便打 大鴻言云雲  
門雲實只知步步登高爲即不然爲甚麼在我手裏  
恰是便乃呵呵大笑不見道殺人刀活人劍

雲門問僧甚麼處來云江西師云江西一隊老漢寐語住也  
未僧無語後舉以法眼眼云大小雲門被這僧勘破

五雲云云麼處是勘破雲門處要會麼法眼亦被後僧  
勘破也 保寧勇代指雲門云猶自口喃喃在

雲門問僧近離甚麼處云南嶽師云我不曾與人爲庵近前  
來僧近前師云去

保福展禪師問僧甚麼處來云江西師云學得底那云拈

不出師云作麼生僧無對

法眼於作麼生處別云謾語

保福問僧甚麼處來云江西觀音師云遠見觀音麼云見師  
云左邊見右邊見云見時不歷左右

法眼別云如和尚見

長慶稜禪師問僧甚麼處來云鼓山來師云鼓山有不跨  
石門底向有人借問汝作麼生道云昨夜報慈宿師云劈  
脊便棒汝又作麼生云和尚若行此棒不虛受人入供養  
師云幾乎放過

玄沙備禪師因雪峰全謂師云近日有僧來禮我我打  
伊一棒僧回首我向伊道是甚麼渠便有箇會處師云和  
尚莫貪保持人也須是某甲勘驗始得師後上雪峰果見



其僧師問山中和尚見兄來打一棒云是甚麼是不僧云  
是師拂袖而去峰問師那僧如何師云那僧荒也峰云何  
處荒師云四邊荒保保地

玄沙問僧甚麼來云德山來師云近日有何言句云和尚  
一日大眾集定拈拄杖攬向面前便歸方丈閉却門師云  
賺舉了也云甚麼處是賺舉處師云更舉看僧又舉師云  
不違種草

保寧勇代打一坐具便下

鏡清忍禪師因雪峰問僧見說大德曾為天使來是不云  
不敢峰云爭解與麼來云仰慕道德豈懼關山峰云汝猶  
醉在出去僧便出峰却召云大德僧回首峰云是甚麼僧  
亦云是甚麼峰云這漆桶僧無語峰回顧語師云好箇師

僧向漆桶裏著到師云和尚豈不是據款結案峰云也是  
我尋常用底忽若喚回道是甚麼被他道這漆桶又作麼  
生師云成何道理峰云我與麼及伊汝又道據款結案他  
與麼及我汝又道成何道理一等是與麼雨鄒其問何該  
有得有不得師云不見道醍醐上味為世所珍遇斯等人  
翻成毒藥

雪竇顯云看他父子相投言氣相合知者請粉骨碎身  
此因難報不知者謂扶高抑下臨危辣人毒藥醍醐千  
載龜鑑還金罍這漆桶

地藏深禪師問僧甚麼來云報恩來師云何不在彼中  
云僧家不定師云既是僧家為甚麼不定僧無對

玄覺代云謝和尚顧問



同安察禪師問僧善惡不思心體自現古人還有理也無  
云莫便是古人深意麼師云胡人飲乳這好良醫僧禮拜  
便出師云若到諸方莫道參見同安來

塗毒策云四海圭鉤喜逢紅尾荆山白璧得遇知言這  
僧擔負不虛同安收取有準只如天後一句作麼生恐  
人知此意特地老淡心

睦州跋禪師問僧甚處來云那邊劄師云老僧爲云和尚  
知即得師云擔枷道狀廣有便打

雲峰悅云睦州何用繫辭那邊劄勞空便打

法眼益禪師問僧甚處來云泗洲禮拜大聖來師云大聖  
今年出塔麼云出師却問候僧你道這僧曾到泗洲麼  
洞山初禪師問僧莫是新到不云是師云夜來栖宿處今

朝事若何云今朝風較急青山背上行師云不是更道僧  
云珍重師便打

同安不禪師問僧甚處來云湖南來師云還知同安這裏  
風雲體道花籃瓊麼云知師云非公境界僧便喝師云  
短髮焦人徒誇書劍僧擬進語師乃云劍甲不施賊身已  
敗

南院驥禪師問僧近離甚麼處云龍興師云發口莫離葉  
縣不僧便喝師云好好問你又惡發作甚麼云喚作惡發  
即不得師便喝云你既惡發我也惡發近前來僧近前師  
云我也沒量天罪過時漢參堂去

首山念禪師問僧近離甚麼處云廣慧師云穿雲不渡水  
渡水不穿雲離此一途速道速道云某甲昨夜宿長橋師



云你恁麼合喫自山棒云某甲未曾參堂師云兩重公案  
僧云恰是師云那那

葉縣省禪師問僧曰暮夜林朝離何處云新戒不曾學禪  
師云生身入地獄下去後有僧與以智門明云何不道鎖  
鑰在和尚手裏

東禪岳禪師問僧甚處來云黃檗來師云黃檗有何言句  
云某甲到這裏一時忘却師云上座豈不是黃檗來云是  
師云又道忘却僧擬議師便喝出

興化普禪師問僧近離甚處云下寨師云還逢著賊也無  
云今日捉下師云放你三十棒

福昌善禪師問僧近離甚處云承天師云不涉程途道將  
一句來僧便喝師便打僧拈坐具作城勢師笑云喪車後

拋藥袋

報恩明禪師問僧近離甚處云都城師云上座離却都城  
到此山都城少上座此山剝上座剝則心外有法少則心  
法不周說得道理則住不會則去僧無對

慈明圓禪師問僧近離甚處僧以手回前一劃師云長何  
言幾僧便喝師云作甚麼僧拈掌一下便打師云瞎漢亂  
做作麼以坐具直打出法堂

楊岐會禪師問僧秋色依依朝離何處云去冬在上藍師  
云不涉程途一句作麼生云兩重公案師云謝上座答話  
僧便喝師云那裏學得這虛頭來云明眼尊宿難騙師云  
恁麼則楊岐隨上座去也僧擬議師云念汝鄉人在此放

你三十棒



羅漢仁禪師問僧甚處來云福州師云跋沙如許三山嶺  
那箇是上座自己云某甲親離福州師云只恁麼別更有  
商量云更作麼商量師云汝話墮也

永明壽禪師問僧會到此間麼云會到又問一信信云不  
曾到師云一得一失少頃侍者問未審那箇得那箇失師  
云你會識這僧麼者云不曾識師云同坑無異土

羅浮如禪師參大陽陽問你是甚處人師云益州人陽云  
此去多少師云五千里陽云你與麼來還曾踏著麼師云  
不曾踏著陽云汝解騰空那師云不解騰空陽云若得到

這裏師云步步不迷方隨身無辨處陽云汝得超方三昧  
耶師云聖心不可得三昧豈彰名陽云如是如是汝應信  
此即本体全彰理事不二善自護持

雲巖顯禪師一日五人新到相看師云洞庭絕頂無行路  
不假梯航試道看云特來禮拜和尚師云湛水停舟徒勞  
運濟僧無語師云過這邊來其僧齊過師云將頭不猛帶  
累三軍參堂去

淨因成禪師問僧甚處人云西川師云幾時離鄉云前年  
二月師云未離本國一向作麼生道云遍身是口難為禱  
對師云猶是離家失業句其僧無語師打一擲子云在  
草鞋

蘆慧蓮禪師一日三人新到相看師云三人同行必有我  
師阿那箇是師云某甲乍入叢林不會即云你犯罪過我  
也罪過僧擬議師云這漆桶且坐喫茶  
五祖戒禪師問僧近離甚處云東京師云還見天子也無



云當年一度出金明池師云有禮可怒無禮難容出去  
 真淨文禪師問寶峰準云近離甚處云大仰師云是在甚  
 處云大滙師云甚處人寧云與元府師展手云我手何似  
 佛手準問措師云適來松對一一靈明一一天真父乎道  
 箇我手何似佛手便成窒礙且道病在甚處云某曰不會  
 師云一切現成更教誰會當當下釋然

陳棟登樓辨信既時

鼓山打鐘勘僧親

忠國師驗大耳三藏親

玄沙勘新到親

趙州勘臺山婆見

仰山勘一禪冬

棒喝

南泉願禪師示眾云文殊普賢昨夜三更起佛見法見每  
 人與二十棒越出院也趙州出眾云和尚棒教誰打師云  
 王老師過在甚處州乃作禮師使歸方丈

雲隋代云深領和尚慈悲某甲歸衣鉢下得箇安樂又  
 代云與眾除害 玄覺云且道趙州休去是肯南泉不

肯南泉 五祖演云白雲則具大慈悲遂拍手云一雙赤  
 室利普賢大士不審不審今後更敢也無自云一度被

蛇傷怕見斷井索 夾山巖云南泉一期遲俊季奈平  
 地生堆趙州雖則覲面投機不免腦門著地 佛鑑勸

云大似無手人行拳無口人叫喚無手人掩著無口人  
 口無口人咬著無手人手恁麼會得方知道法性不動



動徧三界之中至理無言言滿四天之下若也不會紅  
塵飛碧海白浪湧青岑 徑山杲云南泉無過口能照  
禍趙州禮拜草賊大敗徑山不啻結業據款文殊普賢  
且過一邊

佛燈珣頌云鴛鴦綉出世無雙好手元來更有強  
各歸香閣去金針難把度蕭郎 佛印元云普賢昨夜  
聞文殊越出還同兩手袂却得趙州行正令從茲王老  
一時無 佛鑑懃云彩雲影裏僊人現尋用紅羅扇  
面無人著眼看僊人却看隨後紅羅扇

烏曰禪師問僧近離甚處云定州師云定州法道何以這  
裏云不別師云若不別更轉彼中去便打僧云禪頭有眼  
不得草草打人師云今日打著一箇也又打三下僧便出

去師云屈棒元來有人與在云爭奈杓柄在和尚手裏師  
云汝若要山僧回與汝僧近前奪師手中棒打師三下師  
云屈棒屈棒僧云有人喫在師云草草打著箇漢信禮拜  
師云却與麼去也僧大笑而出師云消得恁麼消得恁麼  
雪竇顯頌云呼即易遣即難互換機鋒子細看劫石固  
來猶可壞滄溟深處立須乾烏曰老烏曰老幾何般與  
他杓柄太無端

德山鑒禪師初在蜀講金剛經故號周金剛後聞南方禪  
宗遂滿車載疏鈔出蜀初見龍潭語由出世德山不  
立佛殿凡見僧入門便棒

白雲端頌云突出雙頭卒辨難曾將一擊碎潼關自從  
天下太平後流落人間號德山 海印信云德山棒罰



斷聖九魔膽喪善能方便拏虎鬚忿怒那吒亦摧湯  
大洪恩云一棒一條痕辛酸不可論丈夫多意氣幾箇  
是知恩 雲蓋昌云德嶠分明顯大奇棒頭推出絕離  
微令行佛祖無空過一似輪王握萬機 無盡居士云  
一條柳栗倚青天別向三乘教外傳未眨眼時遭八百  
擬開口處著三千 大洪遂云驟雨迅雷擊空垂電影  
隨將軍雖有令何似帝堯時 徑山杲云入門便捧郎  
當不少依而行之胡麻廝繳

德山小參示眾云今夜不答話問話者三十棒時有僧出  
作禮師便打僧云某甲話也未問爲甚便打師云你是甚  
處人云新羅人師云未跨船舷時好與三十棒

法眼云大小德山話作兩橛 德山密云大小德山龍

頭蛇尾

雪竇顯云此二尊宿雖善裁長補短拾重從

輕要見德山老漢亦未可在何故殊不知德山握閻外  
之威權有當斷不斷不招其亂底劍諸人還識新羅僧  
麼只是撞著露柱底瞎漢 芭蕉云作死馬醫 琅琊

覺云德山何似履春冰雖然如此如猫弄鼠 大滙語

云德山太似清平世界銍甲磨鎗這僧不惜性命身挨  
白刃法眼道話作兩橛大似藥病相治圓明道龍頭蛇

尾也是金輪難辨雪竇道撞著露柱底瞎漢截斷眾流  
如今還有人與新羅僧作主麼出來與大滙相見乃豎

拂云去去西天路迢迢十萬餘

佛印元頌云德山自得任公手一線分明下兩鈎透網  
金鱗繞弄水岸邊還把釣絲收 旻古佛云橫按鎮錫



居閩外當鋒誰敢犯重圍堪羨新羅箇衲子全機破敵也光輝 寶峰照云煙塵掃蕩將軍令正勅流行宣德音公子只知歌既醉夜深還被活生擒 枯木成云祖今全提孰敢論纖塵纔動陷關津這僧不辨箇時節為法亡身有幾人

德山上堂云問即有過不問又乖時有僧纔出禮拜師便打僧云某甲話也未問為甚麼便打某甲師云待你開口堪作甚麼

投子青云然禍因自起傷損他人火發内生談翻林獸既險崖弄巧只可推落洪巖放轉微通却成返遭受屈雖小得便還知德山大錯麼若知得德山粉碎若不知得棒猶少在復頌云金輪微動吼乾坤稍逆金軀草卧

身更欲發言來擬問悲風吹盡四絕隣

臨濟玄禪師初在黃檗三年因首座脚趂教令去問黃檗如何是佛法的的大意檗便打二十拄杖如是三問三被打既不契遂辭去首座密啓黃檗云問話上座非九他日可為一株大樹蔭覆天下人去在來辭時望方便指引師辭檗檗云不須他去只往高安大愚處去師到大愚愚問其處來師云黃檗來愚云有何言句師舉前話復云示審某甲過在甚麼處愚云黃檗與麼老婆心切為汝得徹困猶覓過在師於是大悟乃云元來黃檗佛法無多子愚乃相任云屎牀子適來道有過無過而今又道佛法無多子是多少道道師於愚肋下築三拳愚托開云汝師言檗非干我事師即便返黃檗檗問來來去去有甚了期師云只



為老婆心切遂舉前話磔云大愚老漢饒舌待來與一頓  
師云說其待來只今便與遂打黃檗一掌磔吟吟大笑云  
風顛漢却來這裏捋虎鬚參堂去

為山問仰山云臨濟得大愚力黃檗力仰云非但捋虎  
鬚亦解坐虎頭 應庵華云你諸人還覩得透也未直  
饒一咬便斷也未是大丈夫漢三世諸佛口掛壁上天  
下老和尚將其麼喫飯

白雲端頌云一拳拳倒黃鶴樓一踢踢翻鸚鵡洲有意  
氣時潦意氣不風流處也風流 保寧勇之雷電喧轟  
海嶽昏一家愁閉雨中門狂風忽起烏雲散白日蒲天  
星斗分 黃檗勝云叢林猛烈是黃檗拈棒便打途中  
客回到大愚却知恩老婆面上與一摑 真淨文云便

言黃檗無多子大丈夫兒豈自乖脇下三拳明有信不  
從黃檗付將來 佛眼遠云擘開華嶽連天色放出黃  
河到海聲瞎驢死後蒿枝折大地如今有幾人 天童  
覺云九包之鷄千里之駒真風度齋靈機發樞劈面來  
時飛電急迷雲破處太陽孤捋虎鬚見也無箇是雄雄  
大丈夫

臨濟出世後唯以棒喝示徒凡見僧入門便喝

海印信頌云臨濟喝霹靂一聲邪腦裂忽然透出蒼龍  
穴擊碎明珠拗角折 佛國白云當機喝喝震春雷萬  
蟄龍蛇眼豁開忽若翻身無伎倆任從千古卧塵埃  
大洪恩云入門便喝已是惻怛無限杜禪和猶更論該  
括 普融平云赫日光中轟然霹靂禹門浪急風高無



限錦鱗點額 佛燈珣云張公未醉李公扶從此佳聲  
滿道途却被金剛開口笑誰能愛你護身符 徑山吳  
云入門便喝全無巴鼻引得兒孫弄粥飯氣

臨濟示衆云我在先師處三次問佛法大意三次被打如  
蒿枝拂著相似如今更思一頓誰為下手時有僧出云某  
甲下手師拈棒度與僧擬議師便打

雪竇顯云臨濟放颯較危收來太速 上方益云照用  
之機不無臨濟要且打得箇皮下無血底這僧當初若  
會纔見云誰為下手但云貧兒思舊債待伊拈棒却向  
道自己雖然急他人未肯忙直饒臨濟令行也是拗曲  
作直 松源岳拈起拄杖云臨濟據令而行不知孤負  
黃檗雪竇盡力擔板也只見得一邊且道薦福節文

在其麼處擲下拄杖

臨濟問德山示衆云道道道得也三十棒道不得也三十  
棒師令侍者翻出去問為甚麼道得也三十棒道不得也  
三十棒他若打汝汝便接住推一推看他如何侍者如教  
至彼問山便打者接住推一推山便歸方丈閉却門者回  
舉似師師云我從來疑著這漢雖然如是汝還見德山麼  
者擬議師便打

巖頭云德山尋常只據目前一箇拄杖子佛來也打祖  
來也打爭奈較些子 東禪齊云只如臨濟道我從來  
疑著這漢是肯底語不肯語為當別有道理試斷看  
海印信頌云單于自負藝過人小將教詔去似真到彼  
果然贏小捷回來未免陷全身 佛鑑勸云譬若金籠



鸚鵡兒背如紅玉一青衣雖然學得人言語問著元來  
總不知

臨濟陞堂有僧出師便喝僧亦喝便拜師便打

翠巖芝云臨濟也心麓好彩賴是這僧若是今時衲僧  
且作麼生出得 護國元云龍蛇易辨衲子難瞞臨濟  
錐據虎頭收虎尾爭奈這僧輕來重報還委悉麼獅子  
窟中獅子旃檀林裏旃檀

臨濟問僧甚麼處來僧便喝師便揖坐僧擬議師便打又  
一僧來師豎起拂子僧禮拜師便打復見一僧來師亦豎  
起拂子僧不顧師亦打

鼓山珪頌云主賓都落第三機陣陣開旗不展旗石火  
光中分勝負倒騎鐵馬上須彌 徑山杲云五月五日

午時書赤口毒舌盡消除更饒急急如律令不須門上

畫蜘蛛 松源岳云閃電光中賓主分虛空背上立網

宗祖師活計只如此後代兒孫掃地空

臨濟陞堂有僧出禮拜師便喝僧云老和尚莫探頭好師  
云你道落在甚麼處僧便喝又僧問如何是佛法大意師  
便喝僧禮拜師云你道好喝也無僧云草賊大敗師云過  
在甚麼處云再犯不容師乃云要會臨濟賓主句請問取  
適來問話二禪客

琅琊覺云直金須入火

臨濟問僧甚麼處來云定州來師拈棒僧擬議師便打僧不  
肯師云你已後遇明眼人去在僧後到三聖遂舉前話三  
拈棒僧擬議聖便打



應庵華云臨濟三聖當時若有轉身句後代兒孫未至  
掃土墓拈拄杖云更有一箇甚麼處去也卓一下

臨濟因徑山有五百眾少人參請黃檗令師去徑山檗謂  
師云汝到彼作麼生師云某甲自有方便師到徑山裝腰  
上法堂見徑山山方舉頭師便喝山擬開口師拂袖便行  
尋有僧問山這僧適來有甚麼言句便喝和尚山云這僧  
從黃檗來你要知自去問他徑山五百眾大半奔趨

臨濟應機多用喝會下眾僧亦學喝師一日問僧云汝總  
學我喝我今問你一人從東堂出一人從西堂出兩人齊  
喝這裏分得賓主沒作麼生分若分不得已後不得再學  
我喝

臨濟一日問僧云有時一喝如金剛王寶劍有時一喝如

踞地獅子有時一喝如探竿影草有時一喝不作一喝用  
汝作麼生會僧擬議師便喝

汾陽昭頌云金剛寶劍最威雄一喝能摧萬刃鋒遍地  
乾坤皆失色須彌倒插半空中金毛踞地眾威全一喝  
能令喪膽魂嶽頂峰高人不見猿啼白日更黃昏詞鋒  
探草辨當人一喝須知見有真大海淵澄令萬象休將  
牛跡比功深一喝當陽勢自彰諸方盡有好商量盈衢  
溢路歌謠者古往今來不變常 劍門庵主云是非穿  
鑿不相干四喝諸方莫錯看六道四生平等法牧童吹  
笛過前山

睦州蹤禪師問僧近離甚處僧便喝師云老僧被你一喝  
僧又喝師云三喝四喝後作麼生僧無語師便打云這探



虛漢

應庵華云叢林中商量道他三喝四喝後如何便與  
倒禪林不然拽坐具劈口撼不然拂袖便行不然更與  
一喝恁麼說話要稱為達磨兒孫大遠在漆桶參堂去  
雪竇顯頌云兩喝與三喝作者知機變若謂騎虎頭二  
俱成瞎漢誰瞎漢拈來天下與人看

睦州見僧來云見成公案放你三十棒雪峯云作僧云  
某甲如是師云寺門前金剛為甚麼堅奉云金剛尚乃如  
是師便打趂出云這掠虛漢

雲門云睦州正恁麼時天下人披枷帶鎖 徑山杲云  
雖然無孔笛撞著種拍板直是五音調唱六律諧和子  
細檢點將來未免傍觀者哂且道誰是傍觀者良久云

謂胡階切  
謂想念  
調也偶也

不得動著動著打折你驢腰

覺海元頌云見成公案未除瑕放過方能脫鎖枷四海  
澄清人富庶更夾石上種油麻 海印信云呼蛇易遣  
蛇難袖裏金鎚不易看長安夜夜家家月誰知愁樂有  
多般 佛燈珣云見成公案便相當秤則秤斗則量  
非較當年三十棒至今平步也翱翔

霍山通禪師因到仰山前乃翹一足云西天二十八祖亦  
如是唐土六祖亦如是和尚亦如是某甲亦如是仰山下  
禪林打四下藤條小疑

雪竇顯云藤條未到折因甚麼只與四下須是箇斬釘  
截鐵漢始得 翠巖芝云亦不得作賞亦不得作罰如  
今作麼生會 棲賢遷云且仰山打伊四藤條是何道



理莫是打伊不會莫是打伊說道理若恁麼會何曾夢  
見山僧道苦瓠連根苦甜瓜徹蒂甜

野軒遵頌云集雲峰下四藤條幾嶮當時打折腰堪笑  
後來稱猛將只知空說霍嫖姚 保寧勇云空國支那  
成印定更無毫髮可參差眼橫鼻直喧天下一頓殘羹  
永不飢 圓通偈云集雲峰下四藤蒿打破湮川路一  
條似鶴似雲天地外如龍如鳳在煙霄

通禪師到霍山自云集雲峰下四藤條天下大禪佛參山  
乃喚維那云打鐘著師便走

雪竇顯云這漢雖見機而變爭奈有頭無尾

圓通偈頌云藤條喫了任閑遊未到牢關未肯休打鼓  
打鐘俱是令知機識變有誰儔

興化獎禪師陞堂云今日不用如何若何便請單刀直入  
興化與你證據時旻德長老出禮拜起便喝師亦喝德又  
喝師亦喝德禮拜師云若是別人三十棒一棒也較不得  
何故為他旻德會一喝不作一喝用便下座

首山念云看他興化與麼作用為甚麼放得伊過諸上  
座且道甚麼處是一喝不作一喝用是前一喝是後一  
喝那箇是賓那箇是主雖然如此也須子細始得良久  
云二俱有過二俱無過珍重 琅瑯覺云且道那一喝  
不作一喝用興化若無後語疑殺天下人雖然如是曉  
者還稀 松源岳云興化勾賊破家旻德把鬚投衙更  
道他會一喝不作一喝用不知凌滅我臨濟宗風不見  
道作家不啐啄啐啄同時失



海印信頌云龍虎相交是底時未容擬議已參差分明  
一喝不作用却使禪人特地疑 雲溪茶云獅龍出水  
虎離山四起風旋萬頃煙若具阿那律正眼橫身三界  
皆摩天 鼓山珪云單刀直入不須論擬議之間賓主  
分不得放他旻德過須知興化捧頭親 徑山杲云暗  
中攜手上高山及至天明各自行無限途中未歸客明  
明開眼墮深坑

興化因同參來纔上法堂師便喝僧亦喝行三两步師又  
喝僧亦喝須臾近前師拈棒僧又喝師云你看這瞎漢猶  
作主在僧擬議師便打直打下法堂師却歸方丈有僧問  
適來僧有甚言句觸忤和尚師云是他適來也有權也有  
實也有照也有用我將手向伊面前劃一劃到這裏却用

不得似這瞎漢不打更待幾時

圓悟勤云卞王庫刀振塗毒鼓掣雷未足以擬其迅震  
雷未足以方其威可謂善驅耕夫之牛能奪飢人之食  
只如主賓互換有照有用有權有實則且置甚處是興  
化將手向伊面前劃一劃若這裏洞明可以荷負臨濟  
正法眼藏如或泥水未分未免瞎驢趁大隊 應庵華  
云興化門牆千仞從來家法森嚴這僧暗透重關要着  
洞中春色好則好未免二俱失利祇如興化道我將手  
向伊面前劃一劃又作麼生天堂未就地獄先成  
鼓山珪頌云霹靂驚天地那容掩耳聽須知興化老一  
半是人情 退庵休云恰如劊子氣雄豪便向咽喉下  
一刀五臟肝心皆著出方知王法不相饒 徑山杲云



鎮錫在握天魔膽落明眼衲僧休更卜度 劍門庵三  
云長松不改四時青縱奪當機幾箇明陣敗不禁老第  
掃眼中瞳子面前人

興化謂衆云我聞長廊下也喝後架裏也喝語子汝莫言  
喝亂喝直鏡喝得興化上三十三天却撲下來一點氣也  
無待興化蘇息起來向汝道未在何故如此我未曾向紫  
羅帳裏掛真珠與你諸人去在你虛空裏胡喝亂喝作甚  
麼

佛性泰云驅耕夫牛奪飢人食擊碎明月珠敲出鳳凰  
髓可謂富貴中富貴風流中風流蕩蕩嘉聲迄今未已  
敢問大衆只如興化道未曾向紫羅帳裏掛真珠作麼  
生會或若總道咄我也知你跳不出 水庵一二興化

是則是大似如飢喫鹽若是靈靈則不然待你喝得靈  
雲山振動却向伊道弄粥飯氣

鼓山廷頌云紫羅帳裏撒真珠禪客相承總掠盡拍手  
呵呵開口笑釋迦彌勒是他奴 徑山吳二對衣全提  
摩竭令豈是閑閑兩片皮喝下瞎驢成隊去夢中推倒

五須彌

保壽忍禪師問新到僧近離甚處云崔禪師云遠將得崔  
禪喝來麼云不將得來師云與麼則不從崔禪來僧便喝  
師拈棒僧擬議師便打興化

雲居舜云保壽與麼也險這僧飯到口邊被人奪却  
三聖然禪師問僧近離甚處僧便喝師亦喝僧又喝師亦  
喝僧云行棒即瞎便喝師拈棒僧乃轉身作受捧義師云



下坡不走快便難逢便棒僧云這賊便出去師遂拋下棒  
次有僧問適來爭容得這僧師云是伊見先師來  
雪峰存禪師因僧禮拜師打五棒僧云某甲有甚麼過師  
又打五棒

雪竇顯云我不曾與人葛藤前五棒日照天臨後五棒  
雲騰致雨你若辨得也好與五棒 爲山秀云這僧腦  
門著地過犯彌天雪峰輕怒猶自不知罪咎再犯不容  
更道日照天臨雲騰致雨惑亂後人何謂曾被雲霜苦  
楊花落也驚 草堂清云先五棒分賓別主後五棒休  
用全收若也辨得棒頭有眼明如日若辨不得要識真  
金火裏看

雪峰問僧甚處來云浙中來師云船來陸來云二途俱不

涉師云爭得到這裏云有甚麼隔礙師便打趲出僧過十  
年後再來師問甚處來云湖南來師云湖南與此間相去  
多少云不隔師豎起拂子云還隔這箇麼云若隔即不到  
也師又打趲出僧住後九見人便罵師時有同行聞得特  
去相訪乃問老兄到雪峰有何言句不是罵之不已僧遂  
舉前話被同行詈罵乃與說破其僧悲泣常於夜間焚香  
遙禮悔過

欽山遂禪師同巖頭雪峰見德山師乃問天皇也恁麼道  
龍潭也恁麼道未審和尚作麼生道德山云你試舉天皇  
龍潭底看師擬議山便連棒打師被打下延壽堂云是即  
是打我太煞巖頭云若恁麼他後不得道見德山來  
雪竇顯云諸禪德欽山致箇問端甚是奇特李龍頭



蛇尾汝試舉天皇龍潭底看坐具便城太丈夫漢將虎  
鬚也是本分他既不能德山令行一半令若全行雪峰  
巖頭總是涅槃堂裏漢 翠巖云欽山只顧言前不  
顧其後如今作麼生與欽山出氣 五祖戒云德山只  
解打死欽山不解打活欽山 大鴻喆云德山門下草  
偃風行待問未審和尚作麼生道勞者便極且道德山  
是大鴻是 應庵華云宗師非具透關眼有終外機臨  
垂手之際又焉能辨其緇素只如德山令行一半雪竇  
還免得也無既不能免當時若從德山門下過也只是  
喫棒底漢驀拈拄杖云還見德山麼乃卓一下云賊是  
小人

魏府大覺禪師問興化我常聞汝道向南方行一迴拄杖

頭未曾接著箇會佛法底人汝憑甚麼道理有此語化乃  
喝師便打化又喝師又打來日化從法堂上過師召云院  
主我直下疑汝昨日行底喝與我說來化云存慧平生於  
三聖處學得箇賓主句盡被和尚折倒了也願與安樂法  
門師云這瞎驢來這裏納敗闕卸却衲被待痛與一頓化  
於言下領旨

桐峰庵主僧來見師便喝師云驚殺人云大盡耶師便喝  
僧便走師將棒趁僧作亞鎗勢師拄棒而立信云敗也師  
云放你二十  
平田岸禪師見僧來便打僧近前把住拄杖師云適來造  
次僧奪棒却打師師云作家作家僧禮拜師近前作撻勢  
僧呵呵大笑拂袖出去師云草賊大敗



圓悟動云文來文對武來武對拳來拳對踢來踢對也  
不易輒地大戰一場爭奈未後輸他一著還委悉麼任  
大也須從地起更高爭奈有天何

南院顯禪師有僧來參乃云敗也敗也師遂引杖向其僧  
前僧無語師連打數棒

雲峰悅云這僧頂上有光不知脚下有漆且作麼生會  
直饒你十字縱橫朝打三千暮打八百

南院僧問如何是第一句師云汝試道看僧便喝師拍手  
云大眾好喝僧又喝師拈棒僧擬議師便打又僧問如何  
是金剛不壞身師云老僧在汝脚底僧便喝師云未在僧  
又喝師便棒

保福展禪師見一僧乃以杖子打露柱又打其僧頭僧作

痛聲師云那箇為甚麼不痛僧無對

玄覺代云貪行拄杖

西院明禪師僧問踏破化城時如何師云不斬死漢僧云

斬師云不斬僧又云斬師便打僧連道十聲斬師連打十

棒趁出師云這箇師僧將赤肉拈他乾棒有甚死急次有

僧云某甲啓和尚適來問話僧在大覺處來兩人同參在

這裏見解總與麼和尚須是趁出此二人若不趁出恐委

悉和尚法道已後難得承嗣道聲未絕師便打即時趁出

報事僧禪師問保壽

西院僧問如何是臨濟一喝師云千鈞之弩不為鼯鼠發

機云忽遇大殺活人來時如何師便打

梁山禪師云南來者與三十棒北來者與三十棒然雖如



是不當宗乘

琅琊覺云梁山好一片真金將作頑鐵賣却琅琊即不然南來者與三十棒北來者與三十棒從教天下衲僧賤駁 松源岳云治父即不然一任南來北來只恁麼過臺然打破漆桶却來與三十棒

澄心德禪師僧問如何是澄心師云我不作這活計云未審作甚麼活計師便喝僧云大好不作這活計師便打興陽靜禪師問西院擬問不問時如何院便打師良久院云你若喚作棒則眉鬚墮落師於言下有省

保福展云雖然如是你眉毛有幾莖

長慶稜禪師示衆云淨潔打疊了也却近前問我覓我勞香與你一棒有一棒到你你須生慚愧無一棒到你你又

向甚麼處會

雪竇顯云雪竇即不然淨潔打疊了也直須近前我勞香與你一棒有一棒到你你即受屈無一棒到你與你平出但與麼會 天童覺云死口喫常住飯展脚卧長連牀示箇知慚愧者難得還知長慶棒落地處麼雷開蟄云電燒尾引出岫巖頭角來

洛浦安禪師因臨濟問從上來一人行棒一人行喝阿那箇親師云總不親濟云親處作麼生師便喝濟便打

守廓侍者因華嚴示衆云今日賜御無畏若是臨濟德山高亭大愚烏窠船子兒孫不用如何若何便請單刀直入華嚴為汝證據師出作禮起便喝嚴亦喝師又喝嚴又喝師作禮起云大衆看這老漢一場敗闕又喝一喝拍手歸



衆華嚴歸方丈時風穴作維那上去問評嚴云耐耐耐客  
守廓今日把老僧扭縛一上如今集衆打一頓趁出院穴  
云趁他遲了也和尚云便請單刀直入自是和尚言過他  
是臨濟兒孫本分與麼作用嚴方息怒穴下來與師具言  
其事師云你著甚來由勸這老漢我未問已前早要棒喫  
得我話行如今不打搭却我這話不行也風穴云此話已  
行矣

廓侍者在鹿門時一日在僧堂後架坐鹿門下來見楚禪  
和便問終日披披搭搭作甚麼楚云和尚見某甲披披搭  
搭耶耶便喝楚亦喝兩家便休師云看這兩箇瞎漢一場  
敗闕隨後便喝門歸方丈喚師來問云適來楚禪和與老  
僧賓主相見甚麼處敗闕師云轉見病深門云老僧昔日

見興化來師云和尚見興化時某甲在彼爲侍老記得此  
時語門云試舉看師云興化問和尚甚麼處來云五臺山  
來化云還見文殊麼和尚便喝化云我問你見文殊又喝  
作甚麼和尚又喝化不語至來日令某甲來喚待同堂早  
已去也化乃上堂云大衆你看這箇師僧檐一條斷貫索  
向南方去也已後也道我見興化來和尚今日公案恰似  
恁麼時底門云興化當時爲甚不語師云他知道和尚不  
會問方省悟來日特爲煎點上堂致謝

覆盆庵主問僧甚麼處來云覆盆山下來師云還見庵主  
麼僧便喝師便打僧云作甚麼師住棒僧擬議師又打  
風穴沼禪師因南院問南方一棒作麼生商量師云作奇  
特商量師却問未審和尚此問一棒作麼生商量院橫按



拄杖云棒下無生忍臨機不見師師於言下大徹云言  
草堂清云恁麼商量大似掉棒打月水底觀天衲僧分  
上未爲真真只如衲僧分上真實作麼生蓮破乾坤眼  
收取點星針 徑山杲云風穴當時好大展坐具禮他  
三拜不然與他掀倒繩牀乃回顧冲密云你道風穴言  
時禮拜是掀倒繩牀是密云草賊大敗師云你看這  
漢便打

首山念禪師有僧入室師便喝僧亦喝師又喝僧禮拜師  
便打云伏惟尚享

汾陽昭禪師僧問從上一人行棒一人行喝未審成得箇  
甚麼事師云總不曾用云堪嗟楚下鐘離昧師云底子  
實哉夫戰場僧便喝師云作家僧禮拜師云却不似作家

以拄杖點便喝

首山志禪師問念禪師德山棒臨濟喝意旨如何念云汝  
試道看師更喝念拈棒師指住云草亂做念擲下棒云龍  
蛇易辨衲子難瞞師云草賊大敗

慈明圓禪師問新到相逢不擎出舉意便知有不擎出底  
句作麼生道云審師云的僧擬議師便喝僧打一坐具師  
云瞻漢亂統作甚麼便打遂令喫茶師又舉前話弄問僧  
云某甲適來更有一坐具在師云上座更有一坐具那僧  
云是師直打至法堂僧歸客位不肯師到客位復禮又問  
第二上座還記得麼云適來話頭麼云記不得師云劉又問第  
一上座還記得麼云棺木裏撐眼師云道吾棺木裏撐眼  
上座又作麼生偉無語師便打



揚岐會禪師問慈明幽鳥語喃喃辭雲入亂峯時如何明  
云我行荒草裏汝又入深村師云官不容針吾借一問明  
便喝師云好喝明又喝師亦喝明連喝兩喝師便禮拜  
松源岳云二人父子譬如弄珠不觸其手不墮其地不  
住於空亦無玄妙箇裏如何照眼喝一喝  
白雲端頌云將出驪珠遇大商金盤撥動有餘光無煩  
一句論高價把手歸家笑幾場

承天嵩禪師問僧迦葉門前客祇園會裏人云今日特來  
禮拜和尚師云泊合不問爾梨僧便喝師云錯僧又喝師  
云友亦三一棒云許和尚具一隻眼師云喫棒了早款  
徑山杲禪師問僧巖頭纜跨德山門便問是凡是聖山便  
喝頭便作禮意作麼生云好箇消息師云那裏是好處僧

便喝師云你這一喝未有主在出去

洞山辯禪師僧問百丈得大機黃檗得大用未審和尚得  
箇甚麼師便喝僧亦喝師便打僧云爭奈大眾眼何便歸  
衆師云噓噓

中巖覺禪師僧問如何是一喝如金剛王寶劍師云血濺  
梵天云如何是一喝如踞地獅子師云驚殺野狐狸云如  
何是一喝如探竿影草師云驗得你骨出云如何是一喝  
不作一喝用師云直須識取把針人莫道鴛鴦好羽毛

道場辯禪師僧問如何是一喝如金剛王寶劍師云古墓  
毒蛇頭戴角云如何是一喝如踞地獅子師云虛空笑點  
頭云如何是一喝如探竿影草師云石人拍手笑呵呵云  
如何是一喝不作一喝用師云布袋裏猪頭云四喝已蒙



師指示向上還有重地無師云有云如何是向上事師云

錘解秤鍵隨聲便喝

鼓山二十鐵棒親體

廣慧打揚億侍郎親

臨濟二首座下喝親

南院打襄州僧親

百丈被馬祖喝三日耳親

南院喝下辨賓主親

禪林類聚卷第六

云那



110X  
7  
19